

NUN NOS CUENTES PELÍCULES **¡FAILES!**

*CONCURSU
XÓVENES PRODUCTORES CINEMATOGRAFICOS*

Organicen:

FESTIVAL INTERNACIONAL
DE CINE DE XIXÓN

CIUDÁ TEUNOLÓXICA
VALNALÓN

CONSEYU DE LA MOCEDÁ
DEL PRINCIPÁU D'ASTURIES

Col patrociniu de :

TELECABLE

EL PROYEUTU

El proyeutu pretende fomentar la capacidá d'iniciativa, la creatividá, el trabayu n'equipu y l'espíritu emprendedor ente la mocedá asturiana. Siguiendo les directrices de la Unión Europea escoyóse'l cine como representante d'una industria creativa na que los y les xóvenes puen facer la transición de participar como consumidores a tresformase en profesionales del sector.

La modalidá escoyida ye'l documental. Los y les participantes deberán presentar proyeutos baxo'l prisma de la realidá de los xóvenes y el so entornu. Los proyeutos ganadores tendrán como premiu la realización d'un documental y la so presentación na próxima edición del Festival Internacional de Cine de Xixón.

OXETIVOS

- Fomentar y facer más visible en tolos campos la capacidá d'iniciativa, l'espíritu emprendedor y la creatividá de la xente mozo.
- Promover la participación d'alumnos y alumnes, la so iniciativa y creatividá como recursu valiosu pa la enseñanza y otres actividaes.
- Fomentar la investigación y esparder les esperiencias.
- Promover la participación y asociación estudiantil na educación superior y la formación profesional.
- Valorar el papel de los y les xóvenes como consumidores y potenciales profesionales en sectores como'l cine y otres industries creatives.

PARTICIPACIÓN

Podrán optar a esta convocatoria xóvenes ente 16 y 23 años que s'alcuentren matriculaos en centros educativos de la comunidá autónoma.

CONDICIONES

- a) Les productores tendrán un mínimu de 4 participantes y un máximu de 12.
- b) Almitiranse proyeutos en castellanu o asturianu.
- c) Los proyeutos presentaos serán pa documentales que tengan una duración ente 10 y 20 minutos.
- d) EL tema del documental tará centráu na realidá de la mocedá y el so entornu.
- e) Los trabayos deben ser orixinales. Nun s'almitirán trabayos que yá llograron daqué otru premiu.

PLAZU D'INSCRIPCIÓN, PRESENTACIÓN DE LOS PROYEUTOS Y DOCUMENTACIÓN

- a) Les bases alcuéntrense a disposición de los participantes nes sés del Festival Internacional de Cine de Xixón, en Ciudá Teunolóxica Valnalón, en el Conseyu de la Moceda del Principáu d'Asturies y nes Oficines d'Información Xuvenil del Principáu d'Asturies.
- b) El plazu de presentación de los proyeutos acaba'l 29 d'abril de 2005. Los proyeutos podránse presentar nel rexistru del Conseyu de la Moceda del Principáu d'Asturies, C/ Fuertes Acevedo 10, 33006 Uviéu, en Ciudá Teunolóxica Valnalón , C/ Fornos Altos s/n Llangréu y nel Festival Internacional de Cine de Xixón, Paséu de Begoña, 24, entresuelu 33205 Xixón.
- c) Los y les participantes presentarán la siguiente documentación:
Ficha d'inscripción del proyeutu.
Copia del DNI de los participantes
Certificáu de tar matriculaos nel centru educativu onde estudien
Copia del proyeutu.
Declaración xurada de la autoría del proyeutu.
- d) Contenios. Los trabayos presentaos deberán incluyir un plan detalláu:
 - Guión téunicu :
 - Sinopsis
 - Memoria curtia ya intenciones.
 - Plan de rodaxe (calendariu, llocalizaciones...)
 - Recursos y materiales.
 - Recursos Humanos (repartu de llabores).
 - Imaxe corporativa de la Productora.
 - Presupuestu.
- e) Los y les participantes podrán amestar tola documentación escrita y audiovisual que complete'l so proyeutu.

FALLU DEL XURÁU.

Un xuráu formáu per persones del sector audiovisual y de la creación d'empreses elixirá los dos meyores proyeutos a lo llargo del mes de xunu de 2005.

REALIZACIÓN Y PRESENTACIÓN DE LOS PROYEUTOS SELEICIONAOS

- a) Los proyeutos seleicionaos recibirán 3.000 euros ca ún patrocinaos per Telecable. Les cantidaes serán asignaes conforme al plan de financiación previstu. Les productores deberán presentar factures detallaes de tolos gastos del proyectu.
- b) Los documentales podrán ser grabaos/rodaos en cualquier formatu, debiendu entregase la copia definitiva en Betacam enantes del 15 d'ochobre de 2005.
- c) Los proyeutos debin incluyir nos títulos de créitu la so condición de ganadores del proyectu “ Xóvenes Productores Cinematográficos” convocáu per Telecable, Ciudá Teunolóxica Valnalón, Conseyu de la Mocedá del Principáu d'Asturies y Festival Internacional de Cine de Xixón.
- d) La estrena faerese nel marcu de la 43 edición del Festival Internacional de Cine de Xixón.
- e) Les Xóvenes Productores Cinematográfiques podrán disponer llibremente del proyectu realizáu una vegada estrenau.
- f) Les instituciones convocantes podrán proyeutar o emitir los proyectos seleicionaos ensin satisfacer a cambiu cantidá daqué.

ACEUTACIÓN

La participación nesti concursu implica la total aceutación de les bases. Cualquier dulda que surda sobre les bases será resuelta per les instituciones convocantes.